





A. XIII. 8

Nova-Tacina. Liter. -

937.
1





Henrici Nicolai

1. Oratio de Protervia quadam Philosophica.
2. Miscellanearum Exercitationum Decades III.
3. Gymnasium Ethicum.
4. Irenicum sive de differentiis Religionum conciliandi
Comentatio.

Adl. 49
D. O. M. A.
GYMNASII ETHICI
EXERCITATIO XIV.

De
Virtute Heroicâ.

Quam
PRÆSIDE
HENRICO NICOLAI,
Phil. Profesl. Publ.

Placidæ ventilationi subjicit,
CASPARUS HAMMIUS,
Dantiscanus Borusfus.

In Gymnasio Gedanensi.

Ad diem Novemb.
Horis locoq; destinatis.

DANTISCI,
Typis Viduæ GEORGII RHETIL.
Anno M. DC. XLIX.



EXERCITATIO XIV.

De

Virtute Heroicâ.



Um gradus esse in virtute *d. 13. t. 2.* dictum sit, & in ipso virtutis habitu gradum aliquem ex externo adjacente ortū animadvertere licet, quò usitatum fastigium ea excedat, singulare ac extraordinarium quid possideat, raroq; in hominibus inveniatur, quem *Virtutis heroicae* nomine appellare in *Ethicis* consuevimus, de quâ consequenter jam post virtutes ordinarias spectatas tractandum.

2. *Quidam* de facto eam in *Ethicis* omittunt, ut *Scul-tetus, Snellius, Rigerus, Donaldsonus, Conimbricenses, Raconis, Morisani, Eustachius S. Pauli, Pavonius, Riedt, &c.* Alij peculiariter eam tractant, ut *Aristot. Keckerm. Daneus, Evemius, Gukius, Sagittarius, Piccolomneus, Heilandus, Timplerus, Zapfius, Bartholinus, Elerus, Cracevitzius, alijq.* Et rectius. *Ethica* enim perfectè virtutem secundum omnes modos & gradus explicare debet. Inter quos omninò virtus heroica. Etsi enim principium magis divinum, & impetus naturalis extraordinarius in eâ sit: Inadequatè tamen id est, non totaliter, & natura, instinctus, temperies, assuefactio, etiam adsunt, multumq; in eâ possunt & valent. Interdum & actus continuati feliciter expediti in eâ requiruntur, ut fortitudine Alexandri, Aristidis justitiâ. Et sic moralis modus magis conspicuus. Et diversus finis, ut hic publica utilitas, moralem virtutem non tollit. Nam & justitia univers. publicum finem habet, *d. 5. t. 5. 10.* Et moralis tamen virtus.

3. Heroicæ vox interdum virtutem prorsus spiritualem & spiritualiter immiffam notat, qualis pietas Josephi, fortitudo Simfonis, abftinentia Danielis, quæ verè moralis non eft, fed fuperioris & Theologici ordinis: *Interdum civilem, fed eminentem*: Sic *vel intellectualem* notat, cum in literis quis excellit, quomodo *Aristotelem, Hippocratem, Scalligeros heroas* eruditionis dicimus, Sic *Aesculapium* in Medicinâ, *Orpheum* in Muficâ, heroem dicimus, hæc directè ad Ethicam non fpectat, d. 4. t. 42. *Vel moralem*. Sic *vel Synechdochicè* fumitur, pro fortitudine morali, quomodo viros fortes heroas dicimus, qui excelsâ fortitudine & rebus strenuè geftis inclaruerunt, ut *Alexander M. Hector, Scipiones J. Cæfar, Gustavus Ad.* *Vel magnanimitate & magnificentia*, quomodo magnifici heroës interdum dicuntur; *Vel propriè pro omni virtute morali excelsâ*, fic iuftitia, temperantia, liberalitas heroica, modestia heroi. dicitur. Nomen habet V.H. ab heroe, & hoc ab *ἥρας*, vel *ἥρως*, vel *ἥραλ*, vel *ἥρ, ἥρ,* vel *ἥραῖος*, vel *Era*, quæ terra dicta, ut *Mart. Capella* ait. &c. Aliàs & virtus divina, extraordinaria, excellens, vocatur.

4. *Essentia ejus definitione, Causis, subjectis, affectionibus, divisione, & oppositione explicari potest.*

5. *Definitio est, Vir. Her. est virtus moralis excellens, ad grandia & communem hominum sortem supergredientia facta patranda impetum divinitus conciliatum & successum felicissimum pro usu boni publici subministrans.*

6. *Genus est Virtus moralis excellens. Virtus*, quia definitio ejus ei competit, d. 4. t. 3. Et ut à potentia, affectu, dispositione, operatione, distinguatur, C. l. t. 4. *Moralis*, ut ad praxin, non theoriam, tendere intelligatur, & agere requirat, & ab intellectualib. distinguatur. 3. *Excellens*, ut in superiore, non usitato gradu, esse intelligatur: Et superior etiam

etiam magnificentiâ & magnanimitate est, quæ & ipsæ aliquid ultra communem modum sunt, *t. 3.* In hac autem & principium ultra ordinarium est, *t. 8.* Medium quidem servat extremorum & prudentiæ, quia neutrum eorum est: Sed non communis & usitati gradus, sed hoc superior est. *Directa* dici potest, quia à iudicio viri prudētis in medio dirigitur, non autem quodd circa particulare objectum versetur, ut ferè ea. *Omnia* enim objecta virtutum respicit, eoq; per universas virtutum species funditur, *t. 8.*

7. *Cætera ad differentiam pertinent, & ex objectis ac modis versandi sumpta.* Ex objecto circa gradia & communem formam supergredientia facta versari dicitur. *Objectum viri.* *internum affectus concupiscendi & irascendi est,* quem ad medium prudentiæ ea revocat. *Externum* est omnium reliquarum virtutum objectum in excellentiore gradu versandi spectatum, & ad bonum publicum ordinatum, & omne grandius ac sublimius factum est. *Grande factum est actus peculiarem difficultatem adjunctam habens,* quod vim, animum, robur, & laborem peculiarem requirat, eoq; cum singulari difficultate peragatur. Ita nec pueros, mulierculas, & vanos heroica Virtus admittit. Commune factum supergrediens est actus in communi vitæ cursu non occurrens, sed eum superans & peculiare agens subjectum ac agendi modum & finem requirens *V. t. 8.*

8. *Ex modo versandi V. H.* impetum divinitus conciliatum, & successum felicissimum pro usu publici boni subministrare dicitur. Non est à solâ communi naturâ, institutione, assuefactione, aut generali Dei ad omnes motus concursu, sed peculiaris Dei afflatus, impetus, concursus, quo agens ad agendū animetur, hic requiritur. Sic *Cuero 2. d. N. Deor. 1. 166. Nemo Vir magnus sine afflatu di vino est.* Indè

ex eo impetu in heroe *aggressio* magnanima est, *propositum* admirabile, quo periculosissima & impossibilia aggreditur, *finis* præ conceptio vehementissima, quâ validissimè incitatur, *Continuatio* constantissima, quâ adversa alios infringentia superat, nec voluptate, difficultate, periculo, calamitate, mortis metu, abducitur aut infringitur, & *absolutio* admiranda, felicissima, insperata. Sic *Cæsar* veni, vidi, vici, ut signum successus inclamat, *Alexander* suum nihil cunctando, *Gideon* suum hic *Jehova* & *Gideon*, *Judic.* 7. v. 18. *Gustavus Ad.* suum cum Deo & victricib. armis intonarunt. Ex *fine* pro usu boni publ. dicitur. Heros enim nihil privato commodo, bono, lucro, agit, sed publico & communitati, sive urbs, s. regnum, aut districtus sit. Sic *Coriolanus* vindictam publicarum injuriarum, *Halicarn.* l. 8. *Cyrus*, *Constantinus* & *Carolus M.* Ecclesiarum rationem intenderunt.

9. *Causa V. H. efficiens Deus*, t. 8. & peculiaris natura generosa, temperamentum egregium, subjectum laborum, difficultatum, periculorum, patiens, intellectu acutum, celer, judiciosum, appetitu mobile, animosum, constans, instituto excelsum, animo promptum, actu alacre, felix, impavidum: *Finis externus publicum bonum*, t. 8. *Internus* in ipso heroe Dei assimilatio, unde statua velut *Jovis*, *V. Piccolom.* gr. 6. C. 5. Et æternæ famæ assecutio. *V. Horat.* l. 4. od. 9. *Curt.* l. 10. C. 10. *Materialis* in quâ subjectum est, de quo t. 7. 8. Tàm Mas, quàm foemina, prout exempla *Apo-lepheff.* 1. 2. erquidst. *Daneus* l. 1. *Eth. Chri. Plutarch.* d. virt. mul. *Bocatius* l. d. *Clar. mul. Bergomensis* d. illu. mul. *Munsterus* prafat. *Canis latrantu*, *Zvingerus in theat.* & *Beyerling. in Polyan.* habent, & historia sacra ac profana suppeditat. *Aristot.* 1. *Pol.* C. 4. negat, in mulierem eam cadere, quòd imbe-

imbellis, inconstans, imprudens sit. Sed de ordinario cursu intelligendus. Extraordinariè contrà esse potest, undè *Saba* iudicio, *Cornelia* varià cognitione, & *Arthemisia* aut *Hippocratea* rarà fortitudine occurrit. *V. Ciceron. in Bruto. Val. M. L. 4. C. 6. aliosq.* Sic *Amazones*, *Curt. l. 6. C. 5.* Quorum historix *Straboni* prodigiosæ, & vix credibiles visæ, cum *Diod. Siculus, Herodotus, Orosius, Mela, Solinus, Justinus, Curtius*, aliq; earum meminerint. Sic *Lutherum* quidam heroem dicunt, ob mirum impetum, animosum aggressum, progressum, & felicem successum, *V. Ch. Matthi. 3. Eth. ex. 10.* Et *Christum* ipsum, qui propriè superior omni heroë, *V. Natal. t. 29. Informationis subjectum* virtute her. perficiendum voluntas & appetitus est.

10. Ex divisione quibusdam divina & humana, sed illa propriè huc non pertinet, sed superioris & spiritualis ordinis est, *d. 3. t. 4.* Eoq; nec directè hic tractari debet, cum nec civilis sit, nec civilem finem aut subjectum habeat, specieq; à morali differat, si strictè talis sit, ut fides, spes, caritas, religio. Unde heroicè religiosi fideles, sperantes, ad Civilia non pertinent, ut *Abraham, David, Noa*, sed spirituale regnum, morali superius. Aliis intellectualis & moralis dicitur. Illa directè etiam huc non, *d. 4. t. 12. Et hic, t. 3.* Exemplum ejus *Tostatus*, qui stupor mundi dictus, & puer *Groningensis* 10. an. omnes artes liberales callens est, *V. Meyfartum l. 1. d. ref. Acad. c. 5.* Hac propriè hujus loci est, cum virtutum moralium splendor & inusitatum fastigium in aliquo est.

11. Affectiones virtutis heroicae partim jucunda, partim ingrata sunt jucunda, quæ voluptate perficiunt. Tales cultus, admiratio, veneratio, sunt, quæ heroës ob virtutem afficiuntur. Facta enim sublimia, rara, & mira sunt. Raritas, quæ non singulis annis, sed seculis, heroes excitantur. Quæ autem

autem rara, & cara esse solent. *Hesiodus* quarto mundi seculo heroes vixisse ait, aureo. Sed exempla Biblica & Civilia contrà sunt, & ultrà eos extendunt. *Ingrate* tragicus eorum exitus, & melancholiæ infestatio sunt. *De his quartur* 1. *Cur ita rari heroes?* Causa est, *partim* summa perfectio mentis & virtutis in illis, quæ non omnib. concessa, *partim* impetus ille divinus, quo heroes aguntur, *t. 8.* & qui etiam non omnib. à Deo inditur, *partim* felicitas, quæ acta eorum plerumq; comitatur, cujus etiam non omnes capaces. Sic fortuna indulgendo Alexandro nunquam fatigata, *Curt. l. 8. c. 7.* Cui plus quàm virtuti debuit, quamq; solus omnium mortalium in potestate habuit, quæ vitæ quoquæ finem eundem illi, quem gloriæ statuit. *Idem l. 10. c. 5.* Polycrates perpetuò felix, cujus vota nuncupata simul & soluta, donec ad ultimum destitutus. *Valerius M. l. 6. c. 11.*

12. 2. *Cur genus à Diis ducere crediti?* Nempè quia sine divino afflatu ad divina erigi non datur, *t. 8.* Et solo divinorum amore & exsuperante boni ac honesti desiderio generosæ & singulares actiones prodeunt, natura velut quædam divina cum humanâ in herois procreatione conspirat, proxima actuum heroicorum Causa voluntas ad divina conversa est, ut feritatis mens ad ferinum appetitum dejecta est, præclara eorum facta velut conditiones Deorum præferunt, & feri ac deplorati homines velut ex homine & ferâ geniti creduntur, ferasq; bestialitate imitantur. unde & vitium eorum feritas & bestialitas dictum, *t. 18.* *An & mali heroes esse possint,* & heroicum in malo dicendum? Affirmat *Plutarchus l. 1. d. plac. Phil. c. 8.* Quod quidam heroes animas separatas bonas aut malas, censuerint. Negat *Piccolomin. gr. 6. c. 2.* Quod omnes communiter heroes in bonis numerent, à Deo oriri, & semideos ajant.

Pro-

Propriè vox herois in bono est: *Abusivè* & *extensivè* in malo, quomodo adjectivè vitium heroicum quod ultra communem excessum est. Ita nobile scortum, scelus, pro ingente, nobilem latronem pro insigni dicimus. 4. *Cur semidei censui & vocati?* Sic *Lucianus Dial.* 3. Heros est, qui nec homo, nec Deus, & simul utrumq; est. Quia impetu, animo, constantia, progressu, felicitate, & rebus gestis Dei similitudinem habent & accipiunt.

13. 5. *An martyres heroes vocari possint?* Ait *Piccolomin. gr. 6. c. 2.* *Propriè* non: hic enim in civili virtute versatur, quâ eminentior & alterius ordinis virtus Martyrum est, qui pro fide Christianâ & gloriâ Dei mortem obeunt, eoq; alium, quàm civilem finem, intendunt, nec pro bono publico civili, sed spirituali & Theologico ac fidei veritate Deique gloriâ, occumbunt. *d. 8. t. 11. 12.* Sic nec Christus heros, *t. 9.* Et si Ethnico impioq; significato vox sumatur, ferri de illis non debet. 6. *In cuius virtutis splendore propriè Virtus heroica constituenda?* Adæquatè in omni morali, *t. 3.* Exquisitè & præcipuè in fortitudine, à quâ primùm heroës dicti, ut Agamemnon, Achilles, Hector, Aeneas, Hercules, *t. 3.* 7. *An magnanimitas & magnificentia heroicis virtutibus annumeranda?* R. Ex sese & naturâ sui non, sic enim & in communi subjecto & vitâ usitatè & frequenter reperiuntur, quod non heroica, *t. 11.* Ex insigni maximoq; splendore, quem junctum habent, possunt, & per analogiam aliquam ac similitudinem, non identitatem. Magnanimitas enim & magnificentia majorem gradum liberalitatis & modestiæ habent, ac communis modestia & liberal. *d. 9. t. 13. 18.* Sic velut heroicæ virtutes dici possunt.

14. 8. *In quâ facultate Virtus heroica sit?* In intellectu quidam locârunt, quòd maxima virtus in maximâ faculta-

te locanda, qualis intellectus. *V. Piccolom. c. l. c. 6.* Sed hoc contra commune subjectum Virtutum est, quod voluntas & appetitus sensitivus, *d. 4. t. 10.* quod proinde & heroi. vi. negari non debet, *t. 9.* Et opposito ejus, feritate pater, quæ in Vol. & appet. sensitivo. Intellectus subjectum intellectualium Virtutum est, non moralium, *d. 4. t. 12.* Ratio contraria consequentiâ caret. Nam caritas Dei præstantissima Virtus est, *1. Cor. 13.* & non in intellectu, sed voluntate subjectatur. Actus Virtutis præstantissimum quid, & voluntatis est, non intellectus, *d. 3. t. 14.* 9. *An in solo irascenai appetitu sit, non concupiscendi?* Sic etiam quidam, quod ad eum ratio ardui pertineat, in quo heroicus splendor. Falsò & hoc. Nam Heroica Virtus in omni virtute est, *t. 3. E.* & in cupiditatis virtutib. Ut temperantia, modestia, liberalitate. E. & in appetitu concupiscibili esse oportet. Et ardui ratio in utroq; appetitu est. Sic arduum, cupiditatem, gulam, Venerem, frænare. 10. *An h. v. penitus affectus evellat, an modum ponat?* Prius *Eustratius ap: Piccolom. c. 7. vult.* Posterius verius. Nulla enim Virtus affectum extirpat, sed domat. E. nec heroica. Pravitas affectuum est extirpanda, non affectus ipsi. Quid enim homo sine affectu sit? Quod ales sine alis, & Exercitus sine duce. Oculus & pes scandalizans amovendus & evellendus. *Matth. 5. v. 29. seq. V. Coloss. 3. v. 5.* Non oculus & pes absolutè, ut *Origenes* olim intellexit. Non extirpatio, sed heroica affectus moderatio in V. H. est.

15. 10. *Cur post communem virtutem, non ante eam, tradatur?* Quia modus aliquis & gradus in virtute est, communem antè se requirens, & singulare fastigium ei imponens. Modus autem rei non ante rem, sed post rem traditur. Sic non de tepore aut fervore trades, nisi ante calorem tradideris. Nec prius distinctè V. H. cognoscitur, nisi

ante, quid Virtus sit, cognoveris. Benè autem virtutem cognoscas, ut nondum, quid Heroica sit, cognòris. Quæ autem ad distinctam aliorum cognitionem faciunt, in methodicà doctrinà præcedere debent, *d. 16. Log. t. 12. 13. seq. 11.*
Quomodo V. H. hominem Deo similem reddere dicatur, t. 9. Cum in Deo nullus virtutis habitus reperiatur? Non Deum, sed Deo similem reddit hominem, perficiendo nempè eum, quomodo Deus summa perfectio est, ardua & communem sortem supergredientia facta operando, quomodo Deus talia operatur, elevando eum ultra communem sortem, quomodo Deus ultra eam elevatus, & quomodo Deus ipsa veritas, bonitas, puritas, perfectio est, sic per h. v. homo verax, bonus, purus, fortis, redditur. Sic sancti quæ puritatem divinæ naturæ participes dicuntur, *2. Pet. 1. v. 9.* Et ut Deus formator ac servator omnium: Sic heros multarum rerum, Urbium, castrorum, munimentorum, conditor, asseritor, conservator, Vindex, &c.

16. 12. Cur plerumq; tragicus heroum exitus? Exempla Cæsaris, Annibalis, Alexandri M. judæ Maccabæi, Gustavi Adol. aliorumq; id testantur. Ratio partim vehementia naturæ ac motuum & affectuum esse potest, quæ vix regere eos possunt, indeq; in pericula præcipites feruntur: Partim invidia, quæ plerumq; excelsa comitatur, & quam non semper superare possunt. Sic in Alexandro M. quem hostis vincere nequivit, toxicum invidorum & insidiosorum vicit. Curt. l. 10. c. 4. 10. 13. Cur melancholici sapè sunt heroes? De contemplativis heroib. t. 10. in primis hoc capiendum. Ratio sedentaria vita, continuata ac intensa meditatio, & analogia vini ad melancholicum humorem esse potest. De quo latè Aristot. s. 30. probl. q. 1. & Septalius. in h. l. agit. 14. Cur liberi eorum plerumq; degenerent; Heroum filij noxa, cum contrà esse debeat, naturæ sequitur semina quisq; suæ? Causæ Theo-

logicæ & morales esse solent. Indulgentior educatio, familiaris splendor, amicorum & assentatorum plausus, fiducia paternorum meritorum, aliaq; multum hic facere possunt.

17. *Diversitas V. H. partim à virtute, partim ab Opposito est. A virtute, an specie, an gradu differat, quaeritur?* Specie differre Thomas, Timplerus, Evenius, Gradu Horneius, Gutkiius, Piccolom. Zappius, alijq; ajunt. Et rectius: Idem enim objectum materiale & formale, idemq; virtutis actus quæ specie in cōmuni & heroica est. Splendor tū & eminētia in hac accedit, quæ graduale discrimen facit. Sic in Politicis imperium heroicum à communi gradu differt. *An cum sanctitate sit eadem*, disceptantem vide Piccolomin. c. 9. *Quomodo à vitio secernenda*, ne vitiosos pro heroibus & specie quadam virtutis acceptemus, quod fieri certum est, ut *Calonem Uticensē, Lucretiam, Cleopatram, Idem C. 12.* discutit.

18. *Ab opposito contrariè differt, quod feritas & bestialitas est, excessus quidam vitij morali, quo à communi humanitate exorbitans homo in feram degenerat, omnemq; humanitatis sensum exuit.* Sic Nebucadnezar, Dan. 4. Nero, Caligula, Phalaris, Basilides Moschus, alijq; . Sic Cleomenes Spartanus ex potationibus ita ferus, ut proprios artus ferro detruncaret. Herodot. L. 6. p. 172. *Dividitur in profanitatem, quæ ad Deum & divina, & immanitatem, quæ ad homines exseritur.* Exempla Zvinger. Vol. 4. 10. 15. habet. *An vitio deterior sit, quaeriri solet?* Hoc Piccolom. c. l. C. 14. disceptat. *Privati vè oppositum ejus defectus est, summus torpor & ignavia virtutis, cum non inclinatio, motus, aut conatus ullus ad eam est, ut in vilibus, abjectis, frigidis, insulsis, & ineptis hominibus, qui moles potiùs & figura, quàm homines sunt.* Sic anus quædam de Joviano, Quanta longitudo, latitudo, & crassities, tanta est stultitia. Exempla Zvinger. Vol. 1.

L. 3. alijque habent.

itū
ere
and
re.
ti-
tor
are,
o
tip-
r li
pe-
r

